


TERIMA FAEDAH...penuntut Unimas menunjukkan Kad Siswa 1Malaysia.

Lapan teras kokurikulum

Unimas terap kemahiran insaniah kepada pelajar

>>Oleh Rabi 'Atul 'Adawiyah Ismail

rabiatul@hmetro.com.my

PENGUNJUNG yang menghadiri Karnival K4U 2012 Universiti Malaysia Sarawak (Unimas) pada 28 November hingga 2 Disember ini berpeluang memahami lebih dekat mengenai pelaksanaan Kursus Kokurikulum Berkredit ditawarkan yang menjadi satu daripada syarat wajib kepada pelajar.

Kementerian Pengajian Tinggi (KPT) mengenal pasti lapan teras utama aktiviti kokurikulum dan kehidupan kampus terdiri daripada teras sukan, kebudayaan, usaha dan inovasi, pengucapan awam, kesukarelawanan, khidmat komuniti, keusahawanan dan kepimpinan.

Dekan Pusat Pembangunan Pelajar, Rusli Ahmad, berkata Unimas melalui Pusat Pembangunan Pelajar pada semester 2012/2013 menawarkan lebih daripada 50 kumpulan sub teras yang diletakkan di bawah lapan teras utama.

Katanya, pelajar mengikut kumpulan sub teras diwajibkan menganjurkan projek membabitkan organisasi luar, masyarakat serta individu perseorangan untuk menga-


SUNTIK...suntikan vaksin HPV percuma kepada semua penuntut wanita di Unimas.

Info

Karnival K4U 2012 diadakan di Dataran Dewan Tuanku Abd Rahman Unimas bermula jam 9 pagi hingga 11 malam

sah kemahiran insaniah.

"Aktiviti kokurikulum sebegini menyumbang kepada pembangunan modal insan, selain melengkapkan pelajar dengan kehendak pasaran kerja.

"Kemahiran insaniah adalah antara elemen dikenal pasti amat diperlukan dalam dunia pekerjaan, ditambah dengan perkembangan tek-

nologi pantas," katanya.

Katanya, KPT menetapkan tujuh elemen utama sebagai teras kemahiran insaniah untuk ditawarkan dalam program kokurikulum.

Antara kemahiran yang ditawarkan ialah kemahiran berkomunikasi, kepimpinan, pemikiran kritis dan menyelesaikan masalah, kerja berpasukan, keusahawanan, pembelajaran berterusan dan pengurusan maklumat serta moral dan etika.

"Dengan penerapan kemahiran insaniah dalam pelaksanaan Kursus Kokurikulum Berkredit, pelajar berpeluang bekerjasama dengan agensi luar serta syarikat korporat," katanya.